

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-1-Z/20
Kakanj, 24.12.2020. godine

Z A P I S N I K
sa konstituirajuće sjednice Općinskog vijeća održane 24.12.2016. godine (četvrtak) u maloj sali
Doma kulture Kakanj sa početkom u 11:00 sati
(sažetak zapisnika)

Na početku konstituirajuće sjednice Općinskog vijeća intonirana je himna Bosne i Hercegovine.

U skladu sa odredbama Statuta Općine Kakanj, sjednicom je predsjedavao Slaven Katičić, predsjedavajući Općinskog vijeća iz prethodnog saziva.

Predsjedavajući Općinskog vijeća je otvorio konstituirajuću sjednicu, pozdravio prisutne: općinskog načelnika, novoizabrane vijećnike, medije i ostale prisutne na sjednici.

Predsjedavajući je čestitao na izboru općinskog načelniku i općinskim vijećnicima te pozvao, predsjednika OIK-a, gospodina Edina Kaspera da pristupi uručenju Uvjerenja Centralne izborne komisije BiH o dodjeli mandata vijećnicima Općinskog vijeća.

Edin Kasper je pozdravio prisutne i predstavio potvrđene rezultate Lokalnih izbora 2020 za osnovnu izbornu jedinicu Kakanj, navodeći da je za načelnika Općine Kakanj ispred političkog subjekta SDA mandat dodijeljen g-dinu Mirnesu Bajtareviću, te je dalje izložio broj mandata za svaku stranku i imena kandidata po strankama kojima je dodijeljen mandat u Vijeću. Ispred OIK-e Kakanj čestitao je kandidatima dodijeljene mandate i zaželio uspješan rad.

Nakon čestitke Edina Kaspera i uručenja Uvjerenja, vijećnici su pristupili potpisivanju Potvrda o prijemu Uvjerenja i Izjava o prihvatanju mandata.

Usljedio je čin davanja svečane izjave.

Predsjedavajući je pozvao općinskog načelnika da se obrati Vijeću.

Općinski načelnik: je novoizabranim vijećnicima čestitao na izboru, poželio sreću i uspjeh u ovom mandatu, te izrazio nadu da će saradnja svih biti na visokom nivou, kao i da će se odluke donositi za dobrobit lokalne samouprave.

Predsjedavajući je konstatovao da je na konstituirajućoj sjednici prisutno 29 vijećnika, nedostaje vijećnica Behija Kulović zbog zdravstvenih razloga, te da su se stekli svi potrebni uvjeti za validan rad i odlučivanje Općinskog vijeća.

Prisutni vijećnici:

Aldin Šljivo, Džemal Bećirhodžić, Izudin Pušćul, Nedim Mušija, Mejrema Purišević, Edin Aliefendić, Nemir Talić, Mediha Mamela, Omer Musić, Izudin Hrusto, Nerma Alieefendić, Elvir Delibašić i Safet Šahman (**SDA**)

Ahmed Begić, Eldin Mijoč, Miroslav Spasojević i Vinka Aletović (**SDP BiH**)

Mirsad Tursum, Sabit Čehajić, Zerina Kovač i Fakir Ajdinović (**S BiH**)

Branko Češljić i Dževdet Huskić (**Naša stranka**)

Enver Merdić i Mugdin Gorak (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (**nacionalnih manjina**)

Pored vijećnika sjednici prisustvuju:

Mirnes Bajtarević, općinski načelnik

Ferdo Mijač, sekretar Općinskog vijeća

Izvjestioci, obradivači, gosti:

Edin Kasper – predsjednik OIK-a

Predstavnici medija:

NTV IC Kakanj

„Naša riječ“

„Kaportal“

Radio Kakanj

„Kakanjlive“

„Klix portal“

„Kakanjske novine“

„Kakanj-x“

Predsjedavajući je za konstituirajuću sjednicu predložio slijedeći dnevni red:

1. Imenovanje Komisije za izbor i imenovanja Općinskog vijeća
2. Izbor predsjedavajućeg Općinskog vijeća
3. Izbor zamjenika predsjedavajućeg Općinskog vijeća
4. Izvještaj Općinske izborne komisije o održanim Lokalnim izborima 15.11.2020. godine

Kako nije bilo prijavljenih za diskusiju o dnevnom redu predsjedavajući je stavio prijedlog dnevnog reda na glasanje, te je konstatovao da je isti usvojen jednoglasno sa 27 glasova za.

Predsjedavajući je dao pauzu u radu Vijeća u trajanju od 5' u cilju utvrđivanja prijedloga kandidata za članove Komisije za izbor i imenovanja Općinskog vijeća.

Tačka 1.

Imenovanje Komisije za izbor i imenovanja Općinskog vijeća

Predsjedavajući je nakon pauze rekao da se Kolegij usaglasio da se sva ostala radna tijela Vijeća naknadno imenuju nakon što se unutarstranački dogovori obave, te je pročitao prijedlog članova Komisije za izbor i imenovanje:

1. Edin Aliefendić – predsjednik;
2. Mujo Fafulić – zamjenik predsjednika;
3. Mejrema Purišević – član;
4. Fakir Ajdinović – član;
5. Slaven Katičić – član.

U diskusiji su učestvovali Eldin Mijoč i Slaven Katičić.

Eldin Mijoč: je predložio da se vijećnicima pročitaju svi prijedlozi koji su bili predloženi od strane političkih stranaka.

Slaven Katičić: je rekao da je Kolegij usaglasio prijedlog kandidata, da drugih prijedloga nije bilo i da nema potrebe da se sjednica odvija u nekom negativnom smjeru.

Nakon diskusije Vijeće je usvojilo Rješenje o imenovanju Komisije za izbor i imenovanje sa 19 glasova za, 4 glasa protiv i 5 glasova uzdržan.

Tačka 2.

Izbor predsjedavajućeg Općinskog vijeća

Uslijedila je pauza od 5' u radu Vijeća radi utvrđivanja prijedloga za predsjedavajućeg i zamjenika predsjedavajućeg Općinskog vijeća. Nakon pauze riječ je dobio predsjednik Komisije za izbor i imenovanja.

Edin Aliefendić: je rako da je Komisija jednoglasno za predsjedavajućeg Općinskog vijeća predlaže Slavena Katičića koji je po nacionalnosti Hrvat, čime je ispunjena zakonska obaveza da općinski načelnik i predsjedavajući Vijeća ne mogu biti iz istog naroda.

U diskusiji su učestvovali Ahmed Begić i Edin Aliefendić.

Ahmed Begić: je tražio da predsjednik Komisije upozna vijećnike sa ostalim prijedozima koji su bili izneseni pred Komisiju, te koje su nacionalnosti isti.

Edin Aliefendić: je pročitao prijedloge svih političkih subjekata za predsjedavajućeg Vijeća, te je rekao da je Slaven Katičić, po nacionalnosti Hrvat predložen od strane SDA, SBB, HDZ, DF, S BiH i nacionalne manjine, a da je Miroslav Spasojević po nacionalnosti Srbin predložen od strane SDP, dok Naša stranka nije dala prijedlog.

Nakon diskusije predsjedavajući je prijedlog Komisije za izbor i imenovanje stavio na glasanje i nakon glasanja konstatovao da je Odluka o izboru Slavena Katičića za predsjedavajućeg Općinskog vijeća usvojena sa 22 glasa za, 3 glasa protiv i 3 glasa uzdržan.

Tačka 3.

Izbor zamjenika predsjedavajućeg Općinskog vijeća

Edin Aliefendić: je pročitao prijedloge za zamjenika predsjedavajućeg Općinskog vijeća, te je rekao da je Mirsad Tursum predložen od strane HDZ, SDA, SBB i S BiH, Branko Češljić je predložen od DF, Behija Kulović od Naše stranke, te Vinka Aletović od strane SDP, tako da je prijedlog Komisije za zamjenika predsjedavajućeg Općinskog vijeća Mirsada Tursuma.

Kako nije bilo prijavljenih za diskusiju predsjedavajući je prijedlog Komisije za izbor i imenovanje stavio na glasanje i nakon glasanja konstatovao da je Odluka o izboru Mirsada Tursuma za zamjenika predsjedavajućeg Općinskog vijeća usvojena sa 20 glasova za, 8 glasova protiv, bez glasova uzdržan.

Predsjedavajući je pozvao zamjenika predsjedavajućeg da zauzme svoju poziciju.

Tačka 4.

Izvještaj Općinske izborne komisije o održanim Lokalnim izborima 15.11.2020. godine

Edin Kasper: je još jednom čestitao svim vijećnicima na osvojenom mandatu i pozvao ih da učine sve što je u njihovoј nadležnosti kako bi se život u Kaknju popravio. Napomenuo je da su po odluci CIK-a izbori pomjereni za 15.11.2020. godine, zbog svih dešavanja uzrokovanih pandemijom COVID-19. Naglasio je da su izbori provedeni u cijelosti u skladu sa zakonskim i podzakonskim aktima, te mjerama i preporukama vezanim za COVID-19 i u kratkim crtama izložio rad i aktivnosti Općinske izborne komisije na provođenju lokalnih izbora. Na kraju je napomenuo da Izvještaj ne sadrži dio koji govori o finansijskom dijelu, a iz razloga što od Službe za finansije nije dobio podatke o svim troškovima nastalim u provođenju izbora i to iz razloga što nisu završena sva knjiženja.

U diskusiji su učestvovali: Dževdet Huskić, Eldin Mijoč i Slaven Katičić.

Dževdet Huskić: je naglasio da se iz Izvještaja ne može zaključiti da izbori nisu provedeni u najboljem redu, a što je činjenica. To je rekao iz razloga da se otklone nedostatci za naredne izbore. Smatra da je bilo dosta nepravilnosti bez obzira da li je to zadokumentovano kod OIK-a ili CIK-a. Također, smatra da se nije dovoljno pažnje posvetilo obuci članova biračkih odbora, te da je zbog objedinjavanja biračkih mesta došlo do situacije da veliki broj birača nije znao gdje glasa, čemu je OIK trebao popsvetiti više

pažnje. Na kraju je rekao da je prema riječima predsjednika OIK-a izvještaj nepotpun pa tako i izjašnjavanje po istom gubi smisao.

Eldin Mijoč: je istakao da je indikativno da je od ukupno 582 člana biračkih odbora OIK popunio 153 mesta i da je tako veliki broj onih koji nisu položili ispit prilikom testiranja. Smatra da su nečasne radnje u pitanju bile na biračkim mjestima gdje su pojedini kandidati dobili više glasova od političke partije, zbog čega su po nalogu OIK-a ponovo brojani glasovi na pet biračkih mesta. Međutim, nakon toga po nalogu CIK-a brojni su ponovo glasovi na tri od tih pet biračkih mesta, te su ponovo utvrđeni drugačiji rezultati, gdje je nekim političkim subjektima dodato nekoliko glasova, dok je istovremeno nekima nekoliko glasova oduzeto. Slične stvari su se dešavale i na drugim biračkim mjestima za koje je CIK naložio ponovno brojanje. Vjeruje da je bilo nepravilnosti i unutar liste kandidata, tako da su nekim kandidatima dopisivani glasovi i ti su imali glasova koliko i stranka, što smatra da je nemoguće. Zamjera i na velikom broju nevažećih listića, te u konačnici smatra da su sve to propusti CIK-a, OIK-a i biračkih odbora. Uz to je naglasio neophodnost uvodenja digitalnog načina glasanja u budućnosti.

Slaven Katičić: je rekao da je na glasanju po nalogu CIK-a utvrđeno da je HDZ dobio u Hrastovcu 33 glasa, što svi znaju da nije tačno. S toga se mora zauzeti jedinstven stav da li je oduzimanje glasova jednoj stranci i dodavanje drugoj ispravno ili nije, a ne da je u jednom slučaju ispravno, dok je u drugom to nepravilnost. Problematizirao je i pitanje posmatrača iz drugih općina koje su angažovale pojedine stranke i postavio pitanje njihovih namjera. Smatra da je moguće da kandidat dobije glasova koliko i stranka, zašto ima lični primjer. Rekao je da je nakon ponovnog brojanja glasova u Sarajevu evidentno da se radi o malom odstupanju i da je to zanemarivo. Smatra da birački odbori mogu napraviti grešku prilikom brojanja glasova zbog umora na dan izbora, pa tako smatra da je to bio razlog zašto je došlo do pogreške unutar liste SDP-a gdje je došlo do promjene madata u ponovnom brojanju.

Eldin Mijoč: je rekao da je na biračkom mjestu Hamdija Kreševljaković došlo do greške gdje su kandidatima SDP-a od 1-9 upisani glasovi Naše stranke, što je uočeno od strane posmatrača i člana biračkog odbora ispred SDP-a, te je lično tražio da se uzvrši ponovno brojanje i utvrdi pravo stanje osvojenih glasova. Ponovio je da smatra da izbori u Kaknju nisu bili fer i korektni i da se dopisivanjem glasova nekima, odnosno oduzimanjem drugima znatno uticalo na broj osvojenih mandata.

Edin Kasper: je vijećniku Huskiću odgovorio da se ne može složiti s konstatacijama u vezi obuke biračkih odbora te dodoa da je OIK uredno i profesionalno sproveo višesatne obuke na kojima su predstavljeni i praktični savjeti te da je OIK imenovao članove biračkih odbora jer se kandidati koje su prijavili politički subjekti ili nisu pojavili na obveznoj obuci ili nisu uspješno položili završni test.

U vezi lokacija biračkih mesta rekao je da je OIK maksimalno iskoristio sve medijske resurse da stanovništvo obavijesti o loakcijama biračkih mesta.

U vezi statističkih podataka koje je iznio vijećnik Mijoč a tiču se ponovnog prebrojavanja glasova, rekao je da odstupanja postoje, iako minorna, ali postoje, te dodoa da je veću grešku napravio CIK-ov tim koji je glasove SDA upisao HDZ-u. Što govori u prilog da su greške moguće i da postoje, ali ne u tolikoj mjeri da se pokažu neke namjere biračkih odbora. Posmatrači takve stvari nisu zabilježili a članovi biračkih odbora nisu bili sami na biračkim mjestima.

Na kraju je dodoa da je OIK dala sve od sebe, poštujući sve zakonske rokove, te da je dosad imala dobru saradnju i sa CIK-om. Izrazio je nadu da će i Općinsko vijeće prepoznati taj trud i zalaganje.

Nakon diskusije Vijeća je Zaključak o prihvatanju Izvještaja Općinske izborne komisije o održanim lokalnim izborima usvojilo sa 20 glasova za, 6 glasova protiv i 3 glasa uzdržan.

Predsjedavajući je zaključio rad Konstituirajuće sjednice Općinskog vijeća u 12:40 h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić